

## What is the Office of the Inspectorate? (Māori)

### He aha Te Tari Tirohia?

Ko te mahi a Te Tari Tirohia, he whakarite kei te tika, kei te haumarū, kei te tūpiki, ā, kei te aro hoki ki te mana o te tangata te herenga o ngā mauhere.

He wāhanga a Te Tari Tirohia nō Te Ara Poutama, engari ka mahi motuhake ia i āna mahi kia tika, kia pono hoki. He wāhanga nui tēnei i ngā mahi hei tautiaki i te pūnaha herehere, ka kōkiritia āna mahi ki raro i Te Ture Herehere 2004 me Te Waeture Herehere 2005.

Ka riro mā Te Tari Tirohia e:

- tirotiro ngā whare herehere
- whakatewhatewha ngā amuamu a ngā mauhere me ngā tāngata whakawhiu kei te hapori e noho ana
- whakatewhatewha ngā mate katoa o te hunga e pupuritia ana e Te Ara Poutama
- whakahaere whakatewhatewha anō mehemea e hiahiatia ana, e aroturuki hoki he āhuatanga me he nawe

Ko te Kaimātai Matua tērā ka ārahi i Te Tari Tirohia, ā, he rōpū kaimātai anō mā rātau e kōkiri ngā whakatewhatewha me ngā tirotironga.

Ka tuku a Te Tari Tirohia i āna pūrongo ki Te Ara Poutama, arā ko āna kitenga me āna tūtuhunga, ā, ko tōna tino whāinga ko te mahi tahi ki Te Ara Poutama ki te whakapaipai i ngā āhuatanga o te hereherenga ki te whakarite hoki kei te tika te pupuri i ngā mauhere.